


乍浦九山補志



今補元山補
卷十二齋元
山游卅一齋

龍饒戊午邑後學葛昌楹署端

里人集資重刊

四庫全書總目卷七十六

史部地理類存目五



乍浦九山補志十二卷

浙江巡撫
採進本

國朝李確撰乍浦在嘉興府東南屬平湖縣境九山者
雅山苦竹山湯山觀山龍湫山暈頂山高宮山益山獨
山也平湖舊有九峯之名而不得其地確始考而定之
因著是編凡分十二門曰圖譜山水古蹟寺觀邱墓土
產碑碣烽寨石塘怪異人物題詠

九山補志

四庫題要

一



九山志敘

嘗覽名山志而知山之以志名也人則名之也登封之所躡望秩之所紀以至優曇選佛之場僊真採藥之麓高賢曳屐之隈班班可考夫豈無蒼崖碧巘迴絕塵寰爲隱君子所幽棲者而隱君子不與身以名因不與山以名遂使地脈天漿弗挂簡冊而山與人俱隱矣乍浦海陬巋然九峰列峙以扼南溟之衝而且資士女之冶遊萃緇黃之瓢笠或挾管而綴韻或荷戟以揚旌皆於石磴岑巖是問則山非隱者也然而勝蹟之靈異形勢之巔崢僅附見於郡邑志而他籍則紀載罔聞是又名不出於鄉而悠然爲山之隱者也幸有隱君子

九山補志

過敘

李潛夫先生鍾九峯之靈秀挺生傑姿遺浮榮而耽澹寂每徘徊山阿而攬其勝思擷其芳身雖隱矣不欲使山與身而俱隱爰網羅舊聞蒐採新構縷晰條分如掌上觀紋犁然劃然而景物人文博綜靡漏也連亘則湯觀諸阜孤峙則雅獨兩巖高則自龍湫而迤邐以下卑則自苦竹而昂首以上若主伯亞旅之臚陳也若經緯絢素之錯繡也九峯遂勒成一書堪入名山之籍而山不與人俱隱則隱君子之功實多嘗惜李太白子伯禽以薄宦羈乍海累年竟未克踵武一振騷雅爲九峯傳播千秋今何幸而藉李氏隱君子以傳哉九山之突兀海壖幾更葇莢矣不傳於競名之士而傳於遺名之

老蓋競名者附山之炎遺名者表山之冷也而潛夫又驟然
曰山固靜者也奚顯晦之足云吾將鎮之以無名之樸康熙
乙巳夏日同里過銘簞拜題

九山補志

過敘

二

人與物之受氣成形於兩間也胞如芝菌堅如金石有同倣也殫如顏淵壽如彭錢有同盡也然而有不倣不盡者存名山大川也仁聖賢人也一也謂名山大川不同倣則高岸胡以爲谷深谷胡以爲陵謂仁聖賢人不同盡是堯禹猶垂衣南面周孔迄今章甫而袞衣也然而有不倣不盡者存何也龍門氏不云乎古之登封泰山者七十二君又曰余登箕山其上蓋有許由冢云是七十二君與山至今存也而祖龍茂陵嘗欲一見安期羨門不可得乃過河雒者每思神禹之明德與顯功經首陽商山者往往想見孤竹二君夏黃角里四君子之風烈由此觀之泰山可厲黃河可帶猶未若仁聖賢

九山補志

周敏

人之不可倣不可盡也且微特仁聖已也卽古之賢達出則係天下安危處則能以清風高節爲百世師表若諸葛武侯謝安石龐德公陶靖節之倫其不倣不盡於天地也不啻若嶽瀆之高深也而隆中遂以武侯名東山遂以安石名鹿門柴桑遂以龐公五柳先生名是則山川猶附賢達以常存也而潛初李先生乃欲志九山使常存若汲汲閔山之僻處海隅塊然無聞於今古而爲之董狐也者卽其間如人倫之類萃物產之間生神靈幻異之名蹟詩歌文翰之託興凡夫片羽一斑咸採擷不遺餘力其用心誠勤謂此區區者俱得附九山以並存也顧以余所聞黃盤鬪牛諸山其初亦猶然湖

禾之保障也而卒與三十六沙岸九塗十八灘同淪沒於紫
澥洪濤之中吾惡知千百年後此之迴縈如帶者不終爲紫
澥洪濤之淪沒已哉其又奚以志之而使常存不敝者爲昔
歐公之記峴山亭也以爲峴山於漢上諸山若小而名特顯
著以羊叔子杜元凱嘗遊息其上元凱尙冀漢水沈碑復見
叔子幾不啻揮淚牛山而曾不知峴山之因已以顯名也彼
羊杜特功名之士耳猶能使山川賴已常存況志不存於咫
尺之功名而遠希鹿門柴桑之高躅者哉吾又惡知九山非
當世之柴桑鹿門異日弔古深思之士輒徘徊其下而不忍
去也此則所爲不敝不盡者而已矣乃潛初猶以龍湫山人
九山補志

周敘

二

名竊聞海山之閒有所謂哈哈道人者與人遊處或終其身
不識其姓氏此其於古何如人哉吾願介紹李先生而問之
未知其於九山志林當居何等也同里周宏起拜敘

乍浦九山補志自敘

余聞之故老吾地蓋有九峯云考之志乘其說不同府志畧載八山湖志詳載十五山如故邑山之去縣三十里也今不知何屬矣苦竹山之高七十丈也今僅一卷矣他如黃盤鬪牛遠不可卽蒲山榮薺卑不足數奚當九峯之數哉余參兩志而衷之諸山以龍湫爲尊自龍湫而西則觀山湯山爲西之盡自龍湫而東則暈頂高宮至益山爲東之盡然而未盡也自湯山而西則雅山爲西之西自益山而東則獨山爲東之東蓋雅與獨爲門戶湯與益爲左右支而龍湫則堂皇也今以龍湫爲主峯東則暈頂高宮益山獨山四峯西則觀山

九山補志

自敘

一

湯山雅山三峯共八峯尙未足乎九之數也則請以苦竹山當之苦竹雖一卷乎大則不及馬鞍小亦不及龍尾然天妃靈蹟自宋迄今且國典重祀海每春汛屆期備兵使者奉牲帛必至此山所從來亦遠矣似不得以卑而置之故以足九峯之數焉至於故邑山今無可考愚謂志云鹽邑舊治在此今徙而西回視諸山概稱之爲故邑云耳非另有一山名故邑也又志曰故邑者吳時顧歡封此得名今山果誰屬邪大抵載筆者未必親履其地而憑故紙陳言宜乎盡信書不如無書也茲集非敢臆惲準之以嘉興府志本之以湖邑志而參之以鹽官志先圖譜以象形也次山水以存名也又次古

蹟以徵往也而釋道兩教之域廢興于山賢達諸公之藏顯晦于山故次寺觀次邱墓至于山與海之生物不少也古與今之遺事非乏也故又次土產次碑碣至于烽寨以備寇石塘以捍海而怪異以紀變屬乎山者不得略也雖然山之所重者莫如人而人之能重山者莫如文人之屬于山者少則不嫌其畧而人之能以文重山者多則不厭其詳故又以人物題詠終焉若不佞確人與文又卑卑不足數者故不敢附驥而另集九山遊草以供山靈之一噓

康熙四年八月

龍湫山人李 確潛初氏謨

乍浦九山補志目錄

上卷

一之圖譜

二之山水

三之古蹟

四之寺觀

五之邱墓

六之土產

下卷

七之碑碣

九山補志

目錄

一

八之烽寨

九之石塘

塘名獨山故志并載之

十之怪變

十一之人物

凡四門

隱逸

節義

文墨

緇羽

十二之題詠

詩賦

記遊

疏文

乍浦九山補志

龍湫山人李 確潛初氏編輯

朱 錄史公氏

同里晚學戚陳銘吟烈氏校訂

王 漣寅旭氏

一圖譜

語云左圖右書書以宣意圖以象形故衣裳垂而山龍粉藻之象呈鍾鼎列而鳥獸草木之形具圖畫之來遠矣然六法之家曰所難者惟山水而茲志所重又莫如山水山有九以龍湫爲之君自龍湫而東爲暈頂爲高宮爲益山

九山補志

圖譜

爲獨山自龍湫而西爲觀山爲湯山爲苦竹山爲雅山此九山之所由名也若內而馬鞍龍尾車山外而蒲山茱薺諸不與焉非略也其近而有關者雖小如苦竹亦收其遠而無聞者卽大如馬鞍亦置攷古證今者其以余言爲然乎爰引紙濡墨屬友人爲之圖

按海上諸山不相連接者惟獨山與苦竹雅山耳其西自湯山至東益山高低雖不等形勢則聯屬遠而數之湯山觀山鄂陽山陳山暈頂山高宮山尖山大山益山馬鞍山龍尾山共十一山尙有東常山計寧山不在數不止于九也余于諸山止收其六他如馬鞍之無顯迹

者車山之莫可考者龍尾之卑不足觀者皆置之况尖
山大山鄂陽計寧之不載縣志者乎若獨山之當潮衝
雅山之怪石苦竹山之載祀典皆不可不志者俟來哲
詳之

海上諸山總圖

雅山圖

苦竹山圖

湯山圖

觀山圖

龍湫山圖

九山補志

圖譜

二

暈頂山圖

高宮山圖

益山圖

獨山圖

歲在丙辰夏五月里人集

貲重刊崑山趙詒琛校讎

乍浦九山圖

九山補志

圖譜

海上諸山總圖



雅山

九山補志

圖譜



苦竹山



九山補志

圖譜

三

寨




九山補志

圖譜

四

湯山

此遠山即
秦駐山也



九山補志

圖譜

五

觀山

